

Eletar yay éutten yo Saañ ahiê me

Basaf babu baa Saañ

¹ Injé Afan ahu ihiçulo bi ni aare ahu* o Aláemit aêob me, ni þoþ bi ni guñolol bugo níbboli me maagen mamu. Let ínje nevonom íbboliul, bare bugan bugagu þe gaffas me maagen mamu gúbboliulboli may, ² mata maagen mamu umu ni wolal ban þan míni ni wolal bi nánonan.

³ Mb'Aláemit Þaaya ni Yésu Kirista aamme Añolol gusenolal gáji, ñarum enil ni gásamay, min újual uroñal ni maagen mamu ni gábbolior dó !

Eron ni maagen ni gábboli

⁴ Súmomsu fañ min ijuh me búoh guce ni guñoli buroñil bunabonabor ni maagen mamu ti Þaaya alobolal yo me. ⁵ Aare ahu, maer dáre nibaje ícini iegi : Ubbólíoral ban núbbolial gupalolal. Let gáboñ guvugul nihiçuli, bare gagu go nuyabal me kábiriñ ni buju babu. ⁶ Gábbolior, yoemme min uroñal ti gúboñ gagu gal Aláemit guroren yo me. Maagen mamu, gáboñ gagu gal Aláemit, ti juun go me kábiriñ no ni fíçilum fafu, go guomme uge : Juroñ buroñ baa gábbolior !

* **1:1** 1.1 aare ahu : þan kan jangu ece bo Saañ aamene.

*SaaŃ o m'bačaf mala ékanum uᵑula-sulob
bugagu*

⁷ Uᵑula-sulob gammene guvisore guban mof mamu ᵑe. Gulalat éinen gaa búoh maagen mamu Yésu Kirista naŃaŃar enil yal arafuhow. An ánie mee o aamme aᵑula-elob, o aamme Alatora ahu ala Kirista. ⁸ Kan buru fumumul juote jíkanum jambi júbbur gásumay gagu go ejenóli eŃallul me, bare til mbi jiyab bacam bárيره. ⁹ An átijut me n'elagen baligener babu baa Kirista, an ahumu ayabut Aláemit. An alagen bo me nánonan, an ahumu nayayab ᵑaaya ni Añil ahu. ¹⁰ Eno me an najoulo atogul ban aligenutul nabor ni baligener baubu, jambi jialenol súndoul, jambi ᵑoᵑ jisafol. ¹¹ An asafol me, an ahumu umu ró ni bakaner babu bola baarat mee.

Gurim SaaŃ gúsola

¹² Nibaje waf wammene bi elobul, bare imanut ilobul wo n'eletar. NimaŃe min íjoul itogul min ilob ni buru bújoŃor, tima nubajal ésumay yaᵑiloe sar. ¹³ Uñiaw bugal atii† o Aláemit ačob me gusafuli may.

† **1:13** 1.13 atii : ᵑan kan jangu yay dó SaaŃ aamen me.

Firim fafu fal Aláemit
Bandial: Firim fafu fal Aláemit Bible

copyright © 2015 Wycliffe Bible Translators, Inc.

Language: Bandial

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 13 Jul 2024 from source files
dated 29 Jan 2022

2256a388-b3d0-5a86-9a2f-8ea0a837d026